



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

11. Dies Junii. Tactus & joci, sunt morituræ virginitatis principia.

urn:nbn:de:hbz:466:1-45477

II. DIES JUNII.

Tactus & joci , sunt morituræ virginitati principia. *S.Hieronym.in vita S.Hilarii.*

Tactus.

I.

Nunc pauca tangamus de Tactu Hic sensus est omnium infimus , & ad fæcem , ac coluvionem materiæ proximè accedens , & remordimè discedens à dignitate animi. Hinc Gregorius Nyssenus tres sensus in homine vocat belluinos, pudicum proprios, Tactum, Gustum, Odoratum qui in cœno maximè voluptatis , suo more voluntur à quibus refuger oportet , tanquam à putri , & malevolentici cadavere. Idcirco in hoc sensu moderando summa est cura adhibenda , quod latè pateat illius vis , & in vita usus , undè infinitæ pro pè occasions eveniant suscipiendæ labis, ob rerum variarum contagionem. Hinc si tactus voluptas hominem affliverit , incipiet æstu libidinis furere, amoreque toru accedetur. Idcirco existimant magni viri , nullum esse in homine vehementiorem sensum, nullum magis in scelere impotentem. Est enim quasi leno libidinis , qui & florem pudicitiae facillimè contamineat. Et quamvis leve quidpiam initio videatur , emergat tamen , seque magis deinde accedit voluptas, & in corporis ipsius possessionem invadit. Sicut enim miles dum in præsidium ducitur , si præfectus legionis liberum ingressum in alicujus ædes inveniat , illius quidpiam armorum suorum, puto lanceam, gleam

q[ui]

que, aut scutum ponit. Et licet ob negotia egressus, foris esse dicatur, potestat etiam intus est, quod armis in eo loco positis jam propriam, suique juris domum fecit.

II. Sic voluptas, vitiorum quasi legione stipatus, si per sensus irrumperet in animum possit, & veluti in aspectu lanceam, in auditu galeam, in manibus scutum suum defigere, tametsi à corpore abesse flagitium videatur, scelusque voluptatis, tamen sibi domicilium libido metata est, nec aberit diu, cum insensibus velut in ædium vestibulo, arima reposuerit. Imò cavendum est ut non modò non corpore corpus, id est carnem, præsertim mulierum contingamus, sed ne res quidem alias, quæ proximè illas attingunt, cum in illis quoque fomes sit libidinis, scintilla voluptatis. In vestitu, in chiroteca, in sudario delitescit Cupido, telum igneum ferens; tetigisse, ubi est. Nulla stuppa vicina igni tam subito incenditur. In momento aridum jecur est. Tange muliebrem stolam, aut mitram, aut tenues vittas, statim ut è cesto Veneris vis veneni prodit, seque in venas, atque pectus insinuat, atque ita vitæ arcem mors subit. Hinc tetigisse Virginis vel strophiolum, est virginitatis, vel morituræ præfigium, vel morientis principium, vel mortuæ indicium. Tactæ aconito carnes, necant protinus illum qui gustaverit. Sed nullum est aconitum, quod celerius tactu animum perdit.

III. Tactus quam sit præsens periculum tangent, voluit toti posteritati manifestum reddere sui jam morientis exemplo Ursinus Presbyter, teste Magno Gregorio. Is vitam summa in severitate, castimo-

niaque

ni que egerat, penè in ipso gremio virtutis, atroque
cœli educatus. Tandem moibo lethali corripuit,
Et cùm motu, ac calore omni destitutus, jam ani-
main exhalasse crederetur, accessit illius quandam
uxor, cuius tactu, atque omni familiaritate, quadra-
ginta jam annis abstinuerat, quod omne tempus in
iacrosanctis Ecclesiæ ministeriis, & divinarum rerum
commentatione posuerat. Illa dum explorat, an fili-
tus superesset aliquis, & vestigium animæ nondum
abeuntis, tetigit, ut fit, ore suo hominis os atque vul-
tum, cùm ipsa morte luctantis. Qui mulieris tactu
sentiens, ardore magno collegit vires omnes, qui
in corpusculo esse potuerunt, ad ea dicenda, quæ pro
monito salutari futura essent orbi terrarum. Recedit,
inquit, mulier, adhuc igniculus vivit, paleam tolli.
Hinc disce, nullum debere sibi fidere, quod adoles-
centiæ annos prætervectus, jam ætatis quandam ma-
turitatem, constantiamque attigerit. Homo es, ideo-
que recusare non potes, quin possis pati humanum.
Quid tam porrò humanum, quam per periculum
corporis tactum, labi in turpissimos animi actus.
Non tantum qui tangit picem, sed qui carnem, inqui-
nabitur ab ea. Mihi dicenti occinit Poëta, qui illud
non tam è Poëtico Parnasso, quam è cœlesti para-
diso accepit:

Præcessit tactus? sequitur mox impius actus.